

# GUERS NEVEZ, VOAR SUJET EUN DEN CHARITABL.

Voar ton : *Santez Barba.*

Canomp assembles gant an Aëlez,  
D'a Voerc'hes eur c'hantic nevez  
Evit bean mam d'hon Zalver  
Hac eur sicour bras d'ar pec'her.

Goerc'hes Vari templ an Dreindet,  
C'houi a verit bean meulet,  
Abalamour d'ar garante  
O c'heus evit hon ine.

Er villagen deus Moutier,  
Tost da Escopti Sant-Omer,  
So eun den charitabl meurbet  
En andret ar beorien ezommek.

An den man en defoa doujanç Doue,  
En andret ar beorien carante,  
Hac a roe an aluzon  
D'ar beorien a greis he galon.

Meur a gweach e he bet goëlet  
Voar an hinchou ma tremenet  
Ar beorien ar pelerinet,  
Evit ho c'has gantan da gousquet.

An nôz n'e vije quet lojet,  
En n'e dy paour abet,  
E commanse neuse da voëlan,  
Da lavaret e vije fachet Doue outan.

Eun devez a voa ho koanian,  
Oll dud e dy assambles gantan,  
O c'hariout ar Voerc'hes,  
Guisquet en guis deur baoures.

Voar e brec'h voa eur buguel  
A voa quen caër hac eun Aël,  
Deut da c'houlou en n'an Doue  
Lojan a nezi evit an nôz-se.

En n'an Doue ma den mad,  
M'a repuet n'eun tu bennag,  
Hac e ve en ho marchossi a ve,  
E kousko ma buguel ha me.

Ar païsan vel m'an klevas,  
En e dorn ractal e grogas,  
Antreet en ty, lojet e vefet,  
Assambles gant ma zud e koainfet.

Pa voiant eus an dol azeet,  
Ar buguel e n'eus quemeret,  
Hac en laquas voar e varlen,  
Da dafan lod demeus e souben.

N'e squis quet ous en cherissan,  
N'e baoues da boquet dezan,  
Hac hep ma songe an den se,  
A voa ar buguel gouir vab Doue.

Pa defeus ho c'hoaniou debet  
En e c'hichen e c'he bet azeet,  
A gant cals a humilite  
E c'houlennas outin neuse.

A belec'h e c'hoc'h hac a beseurt canton,  
C'houi a seblant bean eur vreg a feçon,  
C'hervoe ho feçon e seblant d'in,  
O c'heus cals demeus a anvoui.

Me so natif deus a Nazareth,  
Deus a ligne nopl hon bet ganet,  
An noplan tud a zo er bed,  
Mari Joachim hon c'hanvet.

A so deut er vrô-man da bedin,  
Eun den so mignon din,  
Da jouissan deus eun heritach,  
Eur recompanç hac a vo bras.

En recompanç d'e oli euvro,  
Hac ive d'e chariteou,  
Abars eiz de, gant graç Doue,  
A jouissas eus an heritach se.

Ar païsan na intent quet  
Ar pes a deveus lavaret,  
A couscoude ar c'homso se,  
So avantachus d'e ine.

Chanch a ra a gomso ar païsan,  
Goulen a ra outin humblamant,  
Hac e so en ho pro quement a viser  
Vel so aman en hon c'hartier.

Petra bennac ma c'he Doue coleret  
En andret ar bec'herien obstinet,  
Na neus nemet ar leodouet  
Bep sort blasphemou milliguet.

Mar carfem quitted hon pec'hejou  
Hac hon gouël inclinationou,  
Doue a bromet amzer favorabl,  
Hac ar c'houvera a vezou mad.

A bars tri bloaz Doue a bromet  
E vezou abondanç deus a ed,  
Pis ha faou hac a bep tra,  
Ar pes so necesser evit beva.

Ma guemerit ma c'homso.  
Evit guevier na fablennou,  
Ar pes a lavaran so gouirione  
Sortiet eus a c'henou Doue.

Pa deveus e c'homsou achuet,  
E c'habillamant so bet chanchet,  
Ed c'he quen çær hac ar c'histal,  
An heoul ar steret hac ar loar.

Ar Mabic Jesus a neus roet,  
E venediction d'an assistantet  
Ha da guement ha voa presant,  
Ma sortichout en eun instant.

Eur sclerigen a disquennas  
Ha us d'an ty gant sclerder vras,  
Ha c'hint ho sonjal neuse  
Voa ar buguel guir vab Doue.



Ar païsan pa voel quement man,  
Gant joa a commanç da voelan,  
Ho voelet en defoa bet ar bonher  
Da lojan en e dy hon Zalver.

Bras e c'he sur han humilite,  
Deus a Jesus gouir vab Doue,  
Hac he vam ar Voerc'hes Vari,  
Da vezan deut da lojan d'am zy.

Abars eiz devez d'ar goude,  
E c'ha ar païsan clanv d'e voële,  
Ma lavar d'e vreg d'e yugaligou,  
E voa scoët gant ar marou.

An nôz quent evit ma varvoas,  
Da eiz heur deus an nôz e coue clanvas,  
Pa glév ar beorien e voa maro,  
Na baouesent da scuil daëro.

Quent evit ma voa decedet,  
E lavar d'e vugale ha d'e briet,  
Quafet song demeus ar beorien,  
Na diminuio quet ho moyen.

Chetu aman ar recompanç,  
A n'eus an den man en assurancç,  
Goude e ben e chariteou,  
E m'an gant Jesus-Christ en ênvou.

